

序

江夏黃庶字亞夫其少而學也觀詩書以來至於忠臣義士奇功大節常恨身不出於其時不得與古人上下其事每輒自奮以爲苟朝得位夕必行之當使後之人望乎己若今之慕乎古也旣年二十五以詩賦得一第厯佐一府三縣皆爲從事踰十年郡之政巨細無不與大抵止於簿書獄訟而已其心之所存可以效於君可以補於國可以資於民者曾未有一事可以自見然而月廩於官粟麥常兩斛而錢常七千問其所爲乃一常人皆可不勉而能茲素餐昭昭矣暇日發常所作藁草得數百篇覽初省末散亾居



多其存者或失首與尾或竄乙斷裂不可讀因取其
完者以類相從而編焉題之曰伐檀集且識其愧然
其性嗜文字若有病癖未能無妄作後來者皆附於
篇之末云時皇祐五年十二月青社自序



重刻伐檀集卷上

宋分寧雙井黃 庶亞父著

明後學滇中李友梅素交校

里中周希令子儀

陳以志伯達全校

詩

遣懷

六載紅蓮客差池又一年無人和白雪有意補青天
肝膽論興廢詩書謁聖賢尊中古日月窮達付陶甄
寄子蒙授常寧令

踈率君堪愛無心宦又高身思眠白屋人勉着青袍

去冬調官京師於銓吏不得號隱疑名福前爲寧鄉尉自號吏
意欲致其官而歸予止之
隱貪歸似姓陶常寧邑雖小應合得牛刀

和公美季點書事

知君行縣樂經見飽朝昏禾黍當年戶牛羊落日村
趁雲看華沒衝雨渡涇渾頗得詩家助聊應慰旅魂

送石都官赴闕

爲郎四十者堂有二親稀止仰官爲養行應淚在衣
白雲偏佇立黃犬好頻歸去有山公啟天心正似飢

讀赦書

詔書一尺洗寰瀛舒卷雷霆萬物驚天祗無私均雨
露地緣強半是榛荆人間疾苦言堪療塞外豺狼腹
未盈不是朝廷用桑孔丁寧渾只念蒼生

山居獨酌

山寒未放春消息獨把單醪慰寂寥書對聖賢爲客
主竹兼風雨似咸韶醉鄉城郭燈前到愁賊戈矛盞
底銷野菜溪魚隨分有不堪回首叫簞瓢

春日閒居

韁鎖身閑似未名方愚情性被春輕酒教筆硯因花
廢路爲亭臺與草爭野客筍邀煨短茁隣僧茶約煮
新萌無時杖履穿林去真是尋芳戶一丁

贈山寺僧

慵飽浮圖世其憎蓬蒿師獨養牛耕田驅白石年常

仁相身 卷一
過林印青薪歲旋生竹似子孫憐笋茁樹添松柏補
風聲眉頭怪得春來喜雨起蔬苗粒粒成

題公美庭前蘆

長安只說誰花好君把青蘆砌下栽鳴雁也知人好
事幾時啣得入關來

和劉卿材十詠

耕者

四海兵今息耕夫未得知黃梁不敢喫盃尚半蒿藜

牧豎

逐處隨青草生來不識愁旱田乾欲死拍手也須謳

紅樹

幾樹濃於茜斜陽景最幽忽因風雨盡全城十分秋

野廟

中國浮圖盛祈禳漸不過吾民非獨困山鬼恨尤多

堠子

一堠居市廛百堠居林莽土木若有情山中亦惆悵

水鴨

憶在山中日溪邊把釣鉤相逢恐驚起招手却回舟

溪聲

至音不可收今人滯形器欲知古樂心山中此聲是

草市

衡市柴魚集應山鷄犬號問知人苦樂米價不多高

龍潭

莫真龍去雲壇血不乾世情多冷煖對此鼻辛酸

溪橋

憶得別離日鄉橋柳脚斜讀君詩一轉全似到吾家

觀聖

疑是天公戲都傾海作鹽松筠知不變丘壑見無厭
清為詩家極寒因酒戶添冬温成俗疫得此勝針砭

酒

千載醇醲意長隨麴蘖新鮮將今日月轉入古乾坤
均悶至勝良藥愁來敵故人幾盃聊酩酊五斗趣還

登鄭氏閣

林泉無價自由身韁鎖登臨趣未真望處好山俱得
力夜應明月不孤人任從心外煩拈蟻長對樽中別
有春當日若知風物勝定移鷄犬過江濱

亭閣不能見故云

立春

此日春方到春心亞舜堯勾芒如稷契大族似咸韶
衡柄三陽把陶鑄萬物翹家家助和氣剪綵作花飄

題人移牡丹

杯上春來恰恰忙安排顏色與春裝栽培欲報應先
發根祇雖移不改芳紅藥便隨心減價黃蜂偷喜蜜

添香憑元剝釀看花酒待挿花枝滿首嘗

探春

靈裏猶能醉落梅好營杯具倚春來東風便試新刀
八萬紫千花一手栽

節竹杖

琴鶴為友朋出入常拂拭生來節便高故有扶危力

題東寺柱

竹風松月牢於鎖關閉人心物外情燕雀聞經俱已
慣歸來不怕讀書聲

教繩權學書偶成

文字有緣曾弄墨楚俗子生周一年其日葉矣厥現
墨金帛之具從兒戲弄聚家人觀

詩先弄墨見來官小免咨嗟喜將筆硯傳生計不失

詩書作世家字識姓名能指點寫因梨栗不傾斜着

鞭莫落時人後三十塵埃監汝爺

次韻荅王甫判官已後長安

塵埃蹭蹬落麤官賴有詩書可自安人到聖賢由感
激國施鍾鼎為艱難湏期燕骨千金價莫動黃陂萬
頃瀾窮達功名無早晚好山宜且醉吟看

致政吳侍郎晚歌詞

千里資甘旨今資政淒涼一日遺為臣如廣受生子
似早變筆硯諸孫哭謳歌幾郡思公屢為秦人失太
守翻有怨天辭

淵淵二疎路幾人同撤衣仕塗師白髮國老欲形幃
遺詩書滿行旌雨雪飛陝民應淚落不見板輿歸

公自
陝移京兆

署中新栽竹

移作亭園主栽培霜雪姿不辭桃李笑只待鳳凰知
少已留風住疎宜待月飾相看時一醉誰道小官卑

和題雲臺觀

用韻

太華疑挨畢昴回欲觀形勝上雲臺雪中地挹銀屏
立雨後天將盡軸開景好更宜和月看客忙常是愛
山來我知遊者登臨意常恨西軒落日催

都廳誦書偶成

主人調鼎手千里刃迎虛暗使民如堵能容吏似樗
莓苔眠杻械燕雀聽詩書刀筆慙無補身為白蠹魚

次韻和言懷

五常爲種耕情性天意寧分有與無史解戮人爲戮
古地能埋死只埋愚青雲易把詩書買白髮難停日
月驅顧我無才背時俗浮名早晚見歸途

長安賀晏相公生辰

衙鼓簪紳動靈椿薦壽醪吾君合堯舜此日降伊臯
盤詰文章老丹青事業牢一朝尊柱石千里輒鈞陶
民即謳歌借霖應夢寐勞秦人下車樂遠邇賦崧高

公下車
始五日

偶書

此心為地把書耕若問生涯指六經欲語世人真富
貴胸中珠玉又無形

靈竹

俗傳孟宗所泣斑竹也今為鄂州寺

綠陰清韻竹蕭然歷歷當年泣淚痕千古舜妃湘水
底必應憔悴有慙魂

山水臥屏

林泉生長厭應難更寫方屏幾曲間仕宦東西苦無
定此心長似宿家山

和子玉病起遊書齋

蕭蕭久不往筋力試筇初窗戶蝸涎鎖塵埃鼠跡書

病魔雖已去詩癖竟難除苔地屢重掃徘徊意有餘

依韻和舞陽楊令九日羊川鄉同小飲之作

青帘白屋得新醅坐待村童買果迴旋撚野花為泛
菊更尋山路作登臺世途已把夾心死罇酒聊同笑
口開多謝晚禽知客意歌吟來往勸餘盃

謝趙太傅遺聚米圖經

圖經其子宣事舍人珣所作

文武生賢子堯圖帝所多始欣知馬援終嘆失廉頗

定川之役宣事死之

蒼鼠巢遺藁黃埃鎖舊戈遠人猶偃蹇掩

帙淚滂沱

哭水丘隨州

無逸

卧理隋民欲問安計郵俄至廢朝餐秦川舊會歡如

在漢水新書墨未乾
冊旒已歸人寂寞
索車徒有淚
沈瀾晴情冷暖尤無味
一臂相知在肺肝

席上送常中舍歸襄陽

如君七十少梨栗
有堅牙琴杖新行李
雲泉舊世家
愛求栽樹法
拂拭釣魚車
獨羨今歸去
青衫脫有涯

次韻和真長新春偶書

東風寂寞掩柴關
時苦刪文筆凍乾
只把詩情磨世態
更憑酒力禦春寒
塵埃不必頻彈缺
巖石終期共掛冠
歎息焚和名利者
乾坤未似斗筭寬

伊川喜雨

時丞相文公省墳伊闕

只雨乘春慰望深
家家倉廩一年心
伊川父老還知

否此是隨車傳說霖

送真長書記知舞陽

塵土淹沉客詩書
夢寐身又辭千里
幕去布一同春路
想多歸戶每陽地薄民多逃庭應絕滂民舞陽地下歲大雨河決無滂
青衫莫嗟嘆
知已在陶鈞

飲張承制園亭

百年生計一張琴
敝軫枯絃抵萬金
世上幾人曾入耳
罇前此日是知音
清風明月虛無境
白雪陽春寂寞心
莫訝南薰沉聽久
致君基業用功深

和陪丞相聽蜀僧琴

小園豈是春來晚
四月花飛入酒盃
都爲主人尤好

李風光留往不教回

八日探菊

行遠牆邊菊躊躇賞物心秋風應有意明月是知音
酒惜浮花醉詩留把葉吟兒童欣佳節撚藥試黃金

市得笛竹簾因成詩

八尺枯冰簾一筒小軒拂拭趣誰同罇前聲負千盃
月窻下光羸一枕風易向曲肱增舊意詩因仰看有
新功蠹書圍遶高眠處夢與塵埃路不通

廬山道中遇黃公夫因寄四十字

冷日蒼山下相逢笑又禪文章已膾炙各位尚埃塵
昔見纓嘗請今言雉欲馴介夫新授
安邑令醒臙滿南郡忍

醉解池春

次韻和雪霽遊西湖

雪會遊人意元朝變物華醉鄉銀作界詩客玉爲家
魚影紋冰穀禽蹤篆霰沙餘英恐銷盡日斷夕陽霞

次韻向元伯春晚有作

好花未得千場醉風雨飄零又一春自是勞生無暇
日芳菲何處解孤人

次韻居正暮春感事

物報春光去已深殘紅滿地綠成陰晚花便好吟詩
惜餘景應須載酒尋歡意莫教時節挫窮愁自倚歲
寒禁亭園况是登臨勝何必流年動素心

次韻元伯西軒桃李

李白桃紅氣味奢
早須分付醉吟家
春風春雨難期
信便是無言做落花

望春偶書

信馬尋春上古原
天工一幅繡平川
花應笑我將詩
句便當遊人費萬錢

次韻居正四月牡丹

時飲過客於丞相後園

四月殘紅日日稀
平陽園檻正芳菲
春知東館醺賓
客應是陽和未放歸

和元伯走馬看牡丹

城中走馬趁殘春
詩別餘花句句新
何似園家不吟

醉姚黃魏紫屬遊人

次韻元伯初夏南洋河卽事

方菲已去絕音塵
臨水踟躕景又新
應是溪源來最
遠落花流水洞中春

次韻子儀初夏偶作

醉紅方寂寞吟綠
又裝成急雨荷
宜聽清風簟可迎
燕忙諸物態花盡
見時情獨有無言
意不知枯與榮
看春勝偶成

每看春勝獨嗟咨
贈磴塵埃已十暮
韓老有知應笑
我歸時無計只癡兒

陪丞相遊石子澗

賓吏親携澗底行潺湲風迺似相迎只應山鬼知公
意乞雨新添瀑布聲時久晴
新得雨
澗下禽魚識上台聽泉履跡遍蒼苔巖邊不欲踟躕
又只恐商王夢遠來

次韻和真長四季牧童許昌

怯雨宜晴不識愁去隨青草牧春牛無人古路歌兼
笑歸去山花插滿頭
曉牧侵星大暑天晝尋芳樹綠陰眠惜牛不使衝殘
日歸帶黃昏飲小川
角穿黃穗手橫笳秋到人間有鬢華落日西風歸去
路枯桑黃葉兩三家

枯筍手持無律呂清風曲調逐時新數竿冬日渾無
價暖靠牛眠不教人

次韻元伯曉出白門

山形雲染翠屏曲溪色練鋪銀漢東樓臺一軸古今
本行者往來圖畫中

栽竹

小檻栽培得此君綠陰踈韻似相親從來風月爲三
友吟社新添客一人

嵩山許昌

峩峩鎮中夏峻極萬尋躋突兀磨天頂窈窕入地隄
中林興夏電半壑卧秋霓泉恐連清漢峯疑擁碧圭

雲高四夷見雨到八方齊
渤澥看如帶青真上是梯
醉堪捫日月吟可摘婁奎
翠蓋何時動金爲玉檢泥
隱真齋庭多惟石小詩求數株

曾經禹貢清泉骨禹貢青州岱今是莓苔幾世孫
知君突兀滿庭下乞我雨中雲數根

和元伯中伏夜雨南洋河水泛

兩洗三齊中伏月垂龍連夜起雲門青之南山有穴出雲故曰雲門
溪聲斗似銀河落驚斷詩書一夢竟

登鄆州谿堂

古鄆州有谿堂與川借廢其地去今治所十五里好事者跡其

各爲之韓公詩石存焉

仁智模來物狀親登臨宜入古圖身慣看韓老詩中

景樹色泉聲似故人

中秋夜月

人間共賞中秋月酒社詩家意味長
天上必應霜露早桂叢凋盡飽青光

古詩

輦下會里人子蒙飲

秋風吹客衣歸思入夢寐相逢在千里
一飲勝百醉果脯隨分列不臧到家味
平生金石心顛倒獨莫弃何軒不搔首
共話醫國計恨未得杞梓欲把斤斧試
塵埃鞋履穿各走車馬地唯茲栖栖懷
酒椀可以慰

探春

春色若有價黃金量山丘幾擬把酒吟浪欲開口酬
今朝庭柳枝拗折絲已柔東風弄五色漸落草木稠
我管賞春資甕盎蟻已浮山川天開畫紙擬酩酊遊

對花

詩昔甫白在造化困刀尺我生幾年後浪自鑄頑石
對花雖把筆好句恨莫得耒陽與采石孤墳沒荆棘
幾欲肉白骨再挿風雅翼海爲一杯酒地爲一頰席
醉坐吟萬物語出埋霹靂乾坤髓可掬鬼神淚可滴
人生貴適意身是天地客糟牀不可乾吟紙浪強鑿
花落若解醫有金費千鎰

和白雲菴七首

白雲菴

白雲無種滿地生有時出山爲雨露老僧惆悵望雲
歸盡日庵前自來去

清風軒

老僧拂榻人不知獨與清風事來去朝昏宴坐向軒
中此身便是清風主

宴坐臺

老僧坐見萬物空徃徃終日居此臺破衣几坐若枯
木山鳥不怕行藪苔

醒石

老僧拂拭待遊者雲骨一片藪苔青塵埃萬事心若

醉到此不覺令人醒

磬石

古樂破散鄭衛起走入萬物不可名山中惆悵莫能到疑是舜時韶一聲

明月臺

老僧山中嫌月窄夜夜獨上高高臺四邊不肯着閑樹故要滿坐清光來

白石澗

林間旋疊石爲路日日自汲澗底泉老僧意趣似童子洗手濯足聽潺湲

登扶風王宗元山亭

雲收南山頭太白青崔嵬我有泉石夢坐對懷抱開
小池數斛水涉鳥來窺
憶得釣磯上到家如一迴
疏畦參差綠採掇助酒盃
痛飲不能去逋行猶徘徊
主人林巖癖笑傲蒼烟堆
心憂百里病良田正黃埃
欲知主人喜兩抱山脚來

圖經云太白之半有橫雲如瀑布則澗雨常以爲候
故語曰南山瀑布非朝即暮游必旱始得雨以爲喜
故云

賦得退之畫像

功名已寫後世耳身入人間圖畫看歎息浮圖滿天下
曾疑怒髮尙衝冠

遊石甕寺

飛泉自有迎客意聲到山前入人耳泉聲引行不知
渡石路磽確折屐齒長安曉滿車馬塵林岳夜夜來
夢寐雲烟郊原鋪古圖心眼開快明如洗渭流屈曲
成大篆書破野色爲綠紙丘墟沉吟古興廢秋風正
入紅樹起折碑斷垣卧荆棘意思紛亂不可理窮幽
更下蒼崖根把酒坐聽潺湲醉山花似欲勸苦飲時
散清香入人鼻奔走恨不身長遊喜寫姓名藏薜荔

喜雪

長安雪一尺朝扉失南山坐喜疾疫消敢避衣褐單
關中西征後所向禮粥慳去年新錢敝千里成彫殘
漫漫豐穰候風俗開客顏秦人飽稼穡共望倉廩寬

幕府俸薄少藜藿日滿盤明年麥定好慰喜聊加餐

次韻和松逕

行人早亢日共蔭蒼煙安豈識雪霜心但輕螻蟻皮
中爲棟梁用莫歎斧斤遲樗柳盡犧象後凋終不衰
登大雲頂

區區霸迹欲知小試絕大雲孤頂看老僧指我日上
處鏡面瀉出黃金盤

青州去海尚踰二百里寺僧
云山頂日出時往往見海

古詩下

送黃景微西遊

麻

先生古肝脾久恨不得識唯聞公鄉家要作門下客
千載卞和淚爭磨薦書墨姓名落四海履雜車馬跡

塵埃十年衣幾度改顏色紛紛九衢中扶眼見珪璧
敝褐埋衆人胸肺無丈尺從來飢渴心既見轉不釋
斗酒聽語論今古吐白黑秋入汴柳枝買馬欲西適
虜方豺狼驕似漢子弟國予知弱諸侯必得主父策

謝劉簿李尉見訪

詩書卧蓬華柴門晝方開邑官劉與李馬蹄破蒼苔
林君厭龜龜喜振敝席埃見此六翮姿茅荆共徘徊
我欲駐車轍蔬果傾舊醅山花恨未饒無以助酒盃
今古飽夜話痛飲勝百迴春風旌旆滿匏瓜去難陪

送郭評節判磨勘已後長安

寒衣襟改頰色獨洗青衫三十年足跡不入奔走

途來徃鈺戶鞋履穿一時同上青雲人徃徃禪補造
化權朝梳滿手見白髮歎息不置齒牙間只言歸田
有幾畝種林欲釀山中泉腰邊卽見佩銅墨我喜百
里瘡癢痊

登見山樓

太守終南爲客主出入厭倦馬與車與山朝夕欲還
徃作樓近在室一隅主人去久山寂寞正值青帝催
焦枯我拘簿書甚杻械擺脫步上提浮壺郊原猶未
見春色似據水墨長安圖也知好景天更惜高峰常
是雲模糊安得風伯持大篲掃洒百里如屏鋪顯昧
萬狀古詩國收拾可禿千毫書我來願作風雅戶醉

倒坐待明月扶去家若有巖下夢免復夜夜尋歸途

和題竹軒

小軒移得清風枝知君公退來忘機山禽自識主人
愼客到有時驚不飛

下碁

古人欲寫得喪形萬事盡在方卦內黑白勝負無已
時目送孤鴻出雲外

暑軒夜坐

夜氣入庭樹小軒坐前簷清風動巨箑浮雲捲重簾
月邊待交舊蚊噪憎諛讒輕涼若可買金願量谷巖

聞蛙

佞舌兒女柔異教蝸蟾喧豈能聽蛙黽靜枕詩書眠

能一作如

憶竹亭

蓬萊楚山底傍去舍竹四圍狂鞭入門戶亂笋爭墻
雛與竹事還往相對一束書壯長走世路駑駘強鞭
管塵埃客灑漉遠夢夜夜歸小亭久不理漏棟生白
芝偶放簿書筆杖屨改舊詩呼童誅蒿萊掃洒莓苔
甚誰處無花卉憎有兒女姿獨移蒼烟本慰我千里
思坐生山林趣亭園有光輝免使清風來留在桃李
枝月明逸竹步撚挽頤頽頽相向若知已動搖影參
差人間欠藥石稚乳驕羌夷青衫汗汗垢寸尺莫可

禪忍作倉廩盜寧老詩書飢養筍爲釣竿早晚耕蒿

和百塔寺四首

四開亭

亭前流水醒客耳亭上白雲開客顏老僧有意厚來
往四面更令看好山

聽泉

近詔天下
收古樂

五音入耳大聲散情性破碎不可完而今虞舜欲儀
鳳願獻泉譜爲詔源

芳亭

峩峩佛屋瘦四海志士歎息傷容顏高僧淳拙有深

意獨自結茅山水間

水閣

山僧聽泉心不足鑿池汲引爲蟾泓自言猶欲洗俗
耳夜靜爲聞鼃龜聲

和暑雨偶書

暑如煎烹欲狂走猛雨似洗沉痾瘳寧知詩書一枕
夢便作桃李三春遊蛙蚓叫噪若交舊蚊蠅癡鈍如
仇讎今君病起正高卧莊蝶處處宜相求

漁家

長安前詩

插屋數竿網穿籬幾尺船水鄉菱芡足不著免租錢

時江南
訴旱

宿趙屯

蘆花一股水，拜揖日已暮。山間聞鷓鴣，無人見煙村。
行逐羊豕跡，始識入市路。羨交與魚蟹，居人足來去。
漁家無鄉縣，滿船載稚乳。鞭笞公私急，醉眠聽秋雨。
此詩與大孤山二首山谷嘗手書
游石于南康星子游有跋見別集

宿采石

李謫仙舊墓

秋風宿蒹葭，花落若霜雪。江山古興廢，荆棘壘出沒。
水收鳧雁聲，聲靜寒籟發。漁舟自來去，笑語載明月。
評形動筆墨，恨乏風雅骨。謫仙為黃土，冢平名突兀。
句編天下口，千載字不滅。人簡此與復，泉底魂應說。
坐誦姑熟語，酌酒當黍稷。醉後若可見，好句當湮沒。

謫仙有姑熟十詠

擬歐舍人古篆

隸書滿紙籀文廢，字法破碎失本根。中間陽水入篆
室，下筆日與丞相親。點畫各得萬物體，科蚪筋骨千
載新。泉鏗學語童子知，大曆幾字名忽振。足知古人
自負恃碑峴，巨石垂千春。篆字堆積天下字，晚得紙
本如希珍。鋪舒墻壁動人眼，直木曲鐵若可捫。人爲
黃土久寂寞，略不訛缺纔鱗皴。我疑山鬼恐漫滅，往
往鑿鑿施斧斤。公來醉吟江山國，得之愛歎何慙慙。
刻詞猶恨紀不足，句句與古風雅隣。一旦紙貴文字
市，粥詩賈篆聲云云。蘇梅鴛鳳相上下，鄙語燕雀何

能群

蘇子美梅聖俞同有此詩

大孤山

彭蠡百里南國襟萬頃蒼烟挿孤岑不知天星何時
落春秋不書不可尋石惟木老鬼所附茲乃與水司
浮沉鳴鳩大藤樹下廟祭血不乾年世深軸艫千里
不敢越割牲醴酒來獻對我行不忍隨人後許國肝
膽神所歆落帆夜宿白鳥岸睥睨百遶寒藤陰銀山
大浪獨夫險比干一片崔嵬心宦遊遠去父母國心
病若有山水滢江南画工今誰在拂拭東絹傾千金

右與宿趙屯同載石刻

汴河

汴都戔戔在平地宋恃其德爲金湯先帝始初有深
意不使子孫生怠荒萬艘北來食京師汴水遂作東
南吭甲兵百萬以爲命千里天下之腑腸人心愛惜
此流水不嘗布帛與稻梁漢唐關中數百年木牛可
以腐大倉舟楫利今百於古柰何益見府庫磨天心
正欲醫造化人間豈無針石良窟穴但去錢穀蠹此
水何必求桑羊

樊侯廟

陰森樊侯廟古木澧水傍茲民畏如生奔走豕與羊
家家奉侯諱若在父母堂舞陽老幼以侯名爲諱我來憇行役
再拜奠公觴納思英豪姿名與此水長風偃衆樹枝

擬若怒鬣張陰官有兵師想在賁育行今茲戎虜驕
內爲府庫瘡安得七尺軀長戟再激昂橫行匈奴中
庶以康肺腸

遊石池潭

吾家溪潭動百尺坐見遊魚可倒指月明無風水不
動鉤絲鑑中出朱鯉乘閑具酒席草岸呼網一舉常
百尾鱸霜炙玉眠鴉夷樹掛落日醉不起幾年手板
負青山趁魚舫聲不入耳涼秋九月後吏事瘦馬奔
走黃葉裏有酒不得好景飲訪古或問芻牧子指我
石池十里近蒼苔畏崖碧無底楚王北遊歎寂寞創
造幽有遺址舞陽民傳楚襄王游此池我來徘徊知是

否廢興盡可付流水粵髯故溪在吾目濯手漱齒有
餘思開罇喜與風景遇蘆花入盃勸人醉漁翁有意
助酒卮青竹盡日垂空餌我疑溪靈斬異景不遣紅
鱗滿人意人生天地未歸客計較貴賤羞犬彘當須
醉倒載月歸不信鄉夢留不止

食鱸

秋風鱸魚肥兔置噉涎落溪友入畫夢但苦青衫縛
落日渡河水食指相悟覺宿夕治鱸具共作泛舟約
網罟遊青荅老鱗薦絲臠玉軟鮑下筯坐視肴果惡
酒薄如疲兵對此得衛霍迴首食五鼎適意均一樂
人間軍須後醜釜有藜藿甘鮮豈敢事聊此慰寂寞

家僮來持雙井芽數數飲之輒成詩以示同

舍

我疑醇醲千古味寂寞散在山茶枝雙井名入天下
耳建溪春色無光輝吾鄉茶友若敵國糞土尺璧珍
刀圭嗟予奔走車馬跡塵埃荆棘生喉頤煑雲為腴
不可見青泉綠樹應相嗤長鬚前日千里至百芽包
裹林巖姿開緘春風若滿手喜氣收拾人恐知江南
陽和夜欲試小齋獨與清風期石鼎泉甘火齊得混
沌不死元氣肥詩書坐對為客主一啜已具沂瀆醜
通宵安穩睡物外家夢欲遣不肯歸不信試來與君
飲洗出正性還肝脾

靈井

何年清泉眼幾斛涵蒼苔甕盎日夜至長蒲莫可涯
天旱不知竭衆流起黃埃淘練乾未定能使沴氣開

大旱淘井竭其水必得雨以為常廟祠失根抵故老奠酒盃井傍有持祠或

日衛靈公廟蠶民呪棗栗千斤意徘徊臘月民持蠶紙浴井中必教棗栗兒

祝其辭曰齊起齊眠千斤萬斤兒童慣冷暖預知春秋來臨之鑿鑿

眉方鑑無煤始窟穴若喉吭我疑吐雲雷何當鞭唇

與國驅旱災

過建侯廟

陽翟

鳴鳩古木末虬鳥啄腐柯下有黃侯宮清風在藤蘿
公昔為刺史俗若闔門和德銘頽人心千載不可磨

至今奉如生慢侮莫敢過破祠望道路卅簷獨峩峩
春秋賽豚肩里巫日婆娑牛童不知此來往夕陽歌

過許由冢 在箕山上
其下潁水

稷契寧渴死不飲箕潁泉先生獨洗耳不聽天子言
清風飽進退千載何悠然孤墳沒荆棘高名爭青山
嗟我迤邐身一命行十年味薄無辛鹹璞頑廢雕鏤
朝行箕山麓莫挹潁水源竹帛何處所搔首熊魚間
白雲要閑友尙苦兒女牽丈夫合勇決顧計羞面顏

洛陽道中

秋風滿巾衣洛水行飲馬山川氣象老身若古西
嵩雲知客心峯色如掃洒荒草徧丘墟沉吟動舒瀉

過少姨廟 少室山下

陰森老栢少姨廟爐烟蓬教疑行雲祭盤狼籍山鳥
飽巫祝生涯來往人

竹軒

小軒與竹事還往庭下寂寂無客塵開書讀對聖賢
語一畝清風爲主人

賦聞角 得德字

角本金鼓儁獨主昏曉色日收雲氣黃月斜霜露白
征夫朝夕聞淚落甲鎧黑時平腐藁鞅白首眼不識
嚴城重啓閉不廢角人職老農鼓腹聽安識天子德

賦小桐

小桐纔幾尺氣壓百歲樗雨露意未飽風月韻已孤
鳳凰肯寂寞燕雀空踟躕天地有和氣想爲桐之腴
我願剗作琴獻上九重居坐使薰風還雖死骨不枯

賦轆轤

火雲旱風苗欲死曲水直綆寒泉深耕夫淚濕原上
土老圃顧盼輕黃金

賦古佛

樹老枝半死碑斷壁底眠古屋顏色改有佛獨巋然
蒼首上兩足壞臂蔓草纏野老每再拜往往報豐年
孔祠照四方制度冊艘妍朝夕過其下孰肯爲恭虔
土木茲僅分善民信益堅佛法入人心誰與斲其根

蒼蒼不可問用意或者偏木蠹罪豈大竹與啄木樵
胡不啄佛徒使蠹民之天寓六曰先生深探各理集
中繁見此作定有所謂讀

碑得今字

此首元闕其半今仍存之

卧敗壁陰莓苔入破字欲讀不

辨展轉風雨侵塵冗夏蛙宿草

煨可礪老婦寒可礎伊非浮圖

予聞岐陽鼓篆法抵萬金存者

周宣王蒐于岐陽刻石爲十鼓
今具存者九而已字猶畧可讀

涕泗霑

次韻和中伏坐夜
萬兵昏雨過暑斗挿雲領老伎溪蛙靜真交海月生

遊氣襲幕帶遠籟起莖英清洗塵埃慮幽通造化情
酸鹹時味薄寂寞古途亨去象筌真意無形馮天聲
詩疑窺杜子文欲造盤庚身在清風國神遊白玉城
希夷乘浩氣沉瀆飲元精坐久忘昏寐迴頭有啓明

灸贅疣

贅疣在予手累久至三四初視君外物於意不能置
居閑或炙灼已沒出復繼贅出與贅沒曾莫生死異
天地贅一氣萬物贅天地贅復贅於人小大而已矣
人之於爲贅作爲有大鑿至理本無事破真以爲僞
善惡亂大姓賞罰亂大治宮徵亂大聲青黃亂大賁
寸尺亂大刑酸鹹亂大味大樸如瘡疽空虛無完

天地不爾仇爾獨贅之計恥指不若人孟子其有謂
志小略其大殆非達者意弃火復投艾兩忘吾贅贅

賦八月竹

我養一軒竹秋來成綠陰萬物有衰意獨懷霜雪心
西風嵇叔醉明月白公吟迴首看桃李何嘗費百金

遊雲門山

南山州之屏平四時改顏色日夕去寺宴俱帳藏繒
帛更求秉燭飲圖寫在四壁烟雲時藏埋景好疑愛
惜我官府中塵喜與山相識泉石未還往愧負苦迹
真秋風復杖屨持酒窮勝僻莓苔轉蒼崖郡國在几
席廢興賦飛鳥牛羊自朝夕風物摹大句才薄徒隳

嘿唯作酪酊歸山月出半壁沉吟又慰喜三友添飲
客可於署居之南作亭朝夕以與風月往還
俗名之日三友其南軒與山相值故云耳

携家遊矮松

矮松名載四海耳百恠老筆不可傳左妻右兒醉樹
下安得白首巢其巔

庭樹聯句枝字為韻 某 王甫

婆娑庭中耐老大千年枝某百弓蔽赫日四座生涼
颺甫影恠疑龍虵聲和認垣篋某未被斧斤賞敢辭
塵埃欺甫輪困壯士歎冷淡童子啞某盤根得地固
楚材本天資甫份榆謾百尺把柳徒一圍某節堅費
刻畫莫訝繩墨運甫枝狂躍蛟虬癭恠躡熊羆有時

相摩擊徃徃霹靂飛某節月碎玉散障日翠幄垂甫
腹空懶龍卧實少飢禽悲敗葉童僕憎清陰兒女嬉
堂萱小人態堦藥老婢姿春琴似竿笙夏蠅若羨糜
提孩不出戶知時如著龜某得成孤高狀敢忘去毫
未時甫身遭藤蘿蔽心與松栢期某晨烟拂抄起落
日侵栢齊甫老蠹病其中啄木為良醫公輸不在世
志士空嗟咨某止知椶柎高苦狀鸞標早甫大屋必
欲構老匠寧終遺某棟梁如採收散材安足知甫

班石枕聯句 向宗道 某 月覺藥二韻

斷得函山骨磨礪露斑駁疑結一何恠 宗道 形模萬
難學直疑彩雲根 某 又訝紫珉璞中瘦陂蛟腹 宗道

姓某道某純聖人樸有氣當補天某無瑕應並穀定

性某道某清純聖人樸有氣當補天某無瑕應並穀定

蒸託眠月病頭愈宗道橫風醒肺濯珊瑚侈可唾某

陶甄脆堪撲夜深覺鬼驚宗道晝吟詩魔愕首愜無

俗夢某心清去煩惡斬簞方放友宗道蜀筇良可攬

何必檄愈風某何必文驅瘞質任兒女宗道頑宜

僮僕譎枕流固迂誕某籍糟徒落魄潤生審將雨宗

道輝發疑有班騶體莊生狂某虎魄宋武薄欲鏡中

郎銘文章體猶弱欲秘淮南書神仙志非樂宗道我

疑混沌鑛誰與馨竅鑿可作甘寢與華膏詣冥冥某

子道足施爲我拙困嬰縛已謀其中履行當老嵩

子其乞我歸終焉卧雲壑宗道嗜好我已癖湏求子

雖慤擅舊王固惜飄陋顏不博異時一經子便當千

金橐客退獨摩拂卧送山月落

送蘇田司理

秦人勇鬪暴獄訟號難理錙銖較罪法闕責莫可避

蘇生決曹掾以明縛姦吏我見獄戶因出入有平氣

章章三年課已在山公啓六月暑濕衣出汗若炊爨

俸微迫朝夕衝熱事行李一身不能調送子腸腑沸

送李室長慶州寧覲

我愛孟堅文學飽持筆去作將軍客鋪張大漢征北

功手携直上燕然刻千載事掛單于眼至今猶若擒
白黑幾年羌夷瘡一方窟穴未掃壯士瘡我生南方
長詩書愛國區區肺如炙欲抄塞外勒姓名徃徃夜
夢賀蘭石一來長安事刀筆駑駘不展芻粟力戕戕
李公邦之梓聲載百郡理霹靂今年權佩慶州印上
馬威至吞秋色羌夷奔走若奴婢勞面童子嗔可搥
白頭慶民能記數前時太守有陰德知慶州前試
求園中手栽樹邊人應作甘棠惜老幼事公如父兄
斗帖不敢相干極子來別後省塞上霜風漸著邊樹
赤塵埃恨絆不得徃安得麟翥生羽翼子今才華筆
端富山川去入風雅國黃雲白草牛羊肥區區雞犬

晴歷歷將詩寫作聚米圖歸來爲我一指畫

和柳子玉官舍十首

心適堂

一屏一榻無俗塵左置拈琴右開易重門不閉誰徃
還明月清風是相識

思山齋

吳兒心着吳山深終南滿目不自慰有時蟬蛻書几
邊夢到五湖千里外君吳人

小池

清泉數斛關幽事坐見鏡中魚徃來浮萍蝕盡秋月
色霜爲一磨如匣開

新泉

墻根新冽寒泉眼風廊一股來泠泠音靈燈花夜半知
我喜恰是舊山穿石聲

竹塢

笋隨人意踈處生清風如歸自來去雖然不與俗子
期陰過隣家亦銷暑

土榻

公語

一云榻前鼓吹哇一部榻上古木吟風雨客來相倚曲肱展兔令不餅山

牀前一尺二尺泉牀後三枝五枝樹眠閑圖似在家
山夢魂不使東南去

恠者

山呵有人着薜荔廷下縛虎眠華音手磨心語知許
事曾見漢唐池館來二云山鬼水惟着薜荔天祿時邪眠薜苔釣簾坐對心語口曾見漢唐池館來

荷香

隣家爭插紅紫歸詩人獨行嗅芳草叢邊幽蠹更不
凡蝴蝶紛紛逐花老荷香多蠹

蜜蜂

秋成想見香租入菊露楓膠蜜幾罈日日山僮掃紅
葉蜂衙知是主人歸君推酒卯入申出

芭蕉

有底春風能好事解將力尺翦青天知君新得草書

法旋卷碧雲供小牋君善草書

送楊侍讀自長安之蜀

西征七年四方病關中所向尤瘡痍欲令福星及憔悴千里特輟廊廟姿公如手持天子德家至戶到人人施秦俗鬪暴號難理列郡京兆猶鼎糜公來寬假訟訴少桮械顛倒生茵芝神疑公惠入入淺六月巖谷囚兩師雩壇滴酒土未乾霧霈已洗旌旗歸今年昔二橋雨應老農笑呼刺吏雨菽粟茂好公所携關中自盡豐其地未嘗俱大收今年夏秋田高下幾年軍須俗枯稿老幼不足蒿與藜薄田今亦夏秋稔實飽蒲鷄猪肥公之士忘其明白口已為德政辭鑄鑿

不要路傍石人心自是長安碑今年夷馬飲瀝水首

土新佩黃金龜公所拜蜀國侯相如才高去諭蜀弩矢故事

重光輝蜀人故雍人欲把冠帽借益部已歎廉公遲傳

巖今屬九折外帝夢即往西南涯

荅王甫判官示遊興慶池之作

東池十里近遭匝風物飽南山若戶屏登臨四時好我初來長安脚擬朝夕到纏綿簿書間拘窘若囚盜一歲無幾至荏苒成吏考夜夜千頃月只供釣魚老平生林泉心探奇欲傾倒咫尺迺尙爾滿意寧可保君官苦近市危坐若林槁偷閑嗽嗽中躍馬志敲暴登覽足意思滿腹若壤實歸來成新詩使我愧懷抱

依韻和酬雷太簡見貽之什

生長詩與書不信世道難出處愧古人章句得一官
古強去聲不肯柔開口誰欣歡十年走塵土蹭蹬苦地
寒紆朱非良貴寧較厚與單古心自突兀胸中鬱萬
端昔常玩抄水今乃知其瀾身世心已灰人事鼻可
酸病卧得君詩喜扶昏膜看意遠辭淡泊稠重欲相
寬以言藥我病吳鱸佐秦食六句牽勉酬韻高語難
安

謝崔象之示詩藁

古樂治情性故使風俗完鄭衛入人耳雅正聲日殫
教化走薄惡靡靡如轉丸全音不可見來往寂寞間

我疑至和意獨落詩人肝或以鳴道德或以傷憂患
存者三百篇興寄青與冊至今如清風留在喬木端
敦厚久衰落坐見玉澤乾後世其得者或謁道之門
矣者抱大羨競下職與酸最晚李杜出遂將風雅壇
內以康心脾脾睨萬物根予早酷愛慕強把屈瓠瓠
當食對藜藿誦之若熊蟠崔子我同好韻字嗟璞渾
真詩長於適意趣猶裨豚巨軸踰百篇抵我輕瓊瑤
得之忘睡眠夜拭腫膜昏若遊金貂市時見太古冠
淡泊路久弗共約鋤榛菅當結明月期與君酌醇源
次韻和真長幕中偶書

人情歲時登鄉縣自無訟公庭破莓苔日苦黥徒送

莫爲德詩書黃堂卧梁棟幾字署紙尾朝夕寧倥傯
上安止足性精適吟諷收心觀無始靜卧憫群動
上清出處欵把清風控青山自無價夜夜有歸夢
但知陶落卑寧識賈生慟夜雨誦君詩一盃齊費用
次韻和酬真長對雪之作

西湖主人久未至雪雲我爲開吟天偷開把酒羅膾
鯉魚凍難赴頰鳴舷旋求野果向山市僮僕覓路占
平川恍然白玉爲飲國寒威醉思相繼翻顧盼萬景
來筆端濡染欲寫毫已堅初疑萬國會盟散斷珪破
壁盈枯田禽巢一一鶴上下冰殿掃洒迎群仙又疑
水官愛雪柳故把衆庶爲飛緜我思江淮有流民往

往匍匐僵道邊朱門意氣與寒競上馬酒面紅欲燃
天將景與富貴買不知一費幾萬錢詩家把筆爭造
化對此自恨才慳偏徘徊嗅嚼醉還醒聲來往但見
鞋履穿蹄來庭樹玉花落稚子狂走皆華顛擁爐搔
首有餘意喜與麩麥爲豐年夜闌更欲和月看坐久
諷誦瓊瑤篇調高白雪古難和思短強被詩魔牽卒
章我欲涕淚下連茹固已知君賢

喜雨上文相公

火神侵官弄胸臆青帝欲滿勾芒慵時春來不雨驕陽暴
苗不得秀風俗相顧無顏容我公稗補造化手允許
暫息平姦驄公常乘驄馬西湖景好天子借訟簡朝夕臨

青銅忽窺庭民有旱色輟饗廢飯忘巾節

公開暇常服道巾節

杖往來湖中

訪求雩法得古本若可舒卷陰陽功除壇規

土鍾未動精意已與神耳通雷官風師不敢息先時
奔走鞭群龍稚苗霽滯飽哺乳一夕換得千里豐老
幼懽呼相公雨喜氣醞釀爲和風一封朝緘萬室意
慰減焦思寬九重選牲祀龍益傾倒大宅不滿猶忡
忡樸愚慕吏解公意期雨霑足環海中不以一郡喜
爲喜喜憂天下公之公

次韻和象之夏夜作

大暑暴虐如惡酒意思頽困不可醒日官我疑借炎
熱昊輪出火星熒熒帶然一雨醫晚景庭樹洗出蝸

蟪聲微雲掃酒供夜坐造化似解通人情清風明日
作三友趣君可買輕連坑恍然身在坤泊域目空萬
狀遺骸形此特象之入詩國句句鍛鍊鑿錘精窮微
心到混池側高處意氣捫日星詰朝携詩示我讀虬
腸嚙口逢珍烹義幽語險索究解如手捕虎不敢停
歸來牽勉拾餘思魚目愧傍蟾蜍明

和象之雨後望少室山白雲

塵埃奔趨挿手板十年已賣山中閑相逢少室若交
舊白雲與我開容顏風驅烟氣去敝幕天覆碧玉無
瑕癩我疑岳神宴天上掃洒伊洛爲圖看又疑山鬼
有寒稅續絮萬疊輸陰官色如可餐無厭飽頗梨爲

甌炊琅玕去去還觀不能已一里迴首百據鞍長安
許生以畫名閑暇拂拭新素純能求山高水深趣常
恐造化在筆端每觀雲泉得意處擬寫男女家其間
今對異景慙首鼠愚若犬彘編槽欄君詩託我有深
意明月一盃心往還

席上賦別南宮希元

十年眯車塵思歸入夢寐晨興見家山兩日如去騶
故人又過我相對有餘意當罇話舊遊強笑復汗欬
君名在鄉書捧檄不肯愧高堂去白髮有淚落鞭轡
里人駭吉夢四壁眾所義希元應鄉書里人屢
敏夢長老以為吉祥我喜
先子言在耳若龜筮先子嘗云希元孝
而好李必不窮人生老聚散

酒薄蒲莫避相見意最長強去聲飲不能醉

次韻和劉卿材見寄之什

風波一相失倒指歲月耗交情見千里文字每教告
胸中飽耘鋤勉我穫以道踟躕竹帛間相期古人到
十年走塵土心不勇於躁迺知鑄磨益不必硯席切
乎報君屈百里官卓趨而魯蹈不使鞭朴教人情自
傾倒訟稀禾黍登醺若飲醇醪使者席未煖姓名達
珪瑁却使者下車必亟
薦卿材未嘗後麒麟踴躍起志遠無近報
土齷齪者錙銖較稱號青真脚可挿泥塗迹將掃寧
知西山民靖安帶西
山之麓歸車恐君膏我行省版輿假途
期問勞理聲如壁隣歎息不可造予道出海昏去
靖安纔數舍送

知詩書率優游漆園傲極目西飛雲徒使瞳子眊敢
期枉佳作綢繆肺襟奧大句驅老意本古風雨暴驚
味無厭已敗者豆籩犒我輒牽勉和徒手大阿胃酌
酒持君詩吟哦舌根燥

和西湖雪中泛舟之作 時安公鎮許

冬旱種不入賴人無顏色上輟霖雨安福此千里窄
公來視民憂身若抱病癘霖雨變飛雪萬室如藥石
幕府環鄒枝共喜妖沴釋欲有瓊樹春選地得勝僻
刺舟敲湖冰坐泛白玉國持酒與寒競醉倒無顧惜
餘靈爨孟葦似解勸飲客而我坐席末斗筲寬一石
景值風雅匠萬狀困刀尺鳴鳳相上下獨愧如螻蛄

送同年張明遠之興州掾

赤髭苦顏貌我恠意氣揚人曰黜文登茲事可降霜
歸來卧詩書藜藿甘肉梁迺知吾同升喜此割肺腸
甘脆追朝夕拂衣莫安遑興山在何處蜀道難且長
妻孥客蓬幄板輿獨彷徨 婦其孥青州獨迎母之官朱門腐鼎俎
天理何茫茫

皇祐五年三月乙巳齊大風海水暴上壽光
千乘兩縣民數百家被其災而死者幾半丞
相平陽公以同年李君子儀往賑之以詩見
寄因而和酬

鹽民沒利家海隅奔走末業田園蕪天意似遣陽侯

驅卷水沃殺煎海爐怒濤百尺不及迤老幼十五其
爲魚耕夫蠶婦來躊躇百金不易箔與鋤齊人言蚕者卒箔爲
我公偃息哀其愚埋掩尸骼調惇孤吾黨子儀馳
赤駒口賚公惠人人噓日走百里嫌眈晡不飲不食
顏色癯去時萬樹如束枯回首綠暗紅紫踈寄詩百
言舉其麤我愧安飽心如苴

元伯示清水泊之什因和酬

十年不踏故溪上有時夢去千里遊每思魚行鑑中
見青衫手板如仇讎秋風鱸肥美無價莫恠張翰不
可留前日誦君清水吟曾中突起百尺愁兒牽女嬰
走塵土百年一半如棄投清風明月無界畔白首願

作山中侯君詩寫出漁者意老景一片在日眸清泉
釣舟未入手聊可觀歸忘吾憂

次韻和酬隱直憶花見寄之作

春工不揀勢厚薄染成庭內花梢紅反拘薄音似機
械不得醉倒眠綠叢君時馬首正南走假有樽酒何
由同馨香蜂蝶似相讓顏色開落輸東風公餘徘徊
獨遶樹空有歎恨不可窮君頂不見紅紫落亦有惆
悵環胸中作詩寄我憶花意句老與古爭彊雄其間
摸寫景如畫爛熳一片眷頰容乃知詩家有刀尺裁
翦自奪陰陽功誦詩酌酒無厭已韻險強續慙非工

送劉孟卿遊天台鴈蕩二山

治源先生高七十山水病辭不可瘳龜無炊烟不顧
計窮幽極恠如仇讎有時清風明月對好景霹靂拔
却大樹不迴頭四方泉石朝入耳杖履百里夕已投
大笑箕山不敢出走避軒冕豈自由天台鴈蕩潑上
心者焦毛髮不肯留縈紆長淮下平席削指計日觀
怒濤君詩功刻造化骨吳越氣象當先愁古今吟力
未到慶符句願備幽人收此行詩是圖畫二山筆歸
日借我日一遊

次韻和元伯南樓避暑遇雨之作

城頭歸鳥喘榻翼夕陽爛干手可炙長虹如篆報雨
來雲脚挿下千里赤南山端正太古屏飛兼掃雲爲

撥墨安得老筆描寫住白頭許生死堪憶

長安許生
時今日已死

次韻和子儀聞蟬

落日桂樹間長我庭下陰園林動秋意高蟬忽微吟
清風轉餘聲杳若下遠岑微物感時節鏗錡吐商金
古樂久破碎茲蟲抱全音荒忽尙假蹇激起壯士心
願爲秋蟬操被之朱絲琴

和子儀巡捕蝗

天子輟霖雨茲來澤東民威聲先公至暴攘客四鄰
下車坐無事懲勸裨秋春物價以日減困倉飽新陳
俗愚其何知蝗來過公仁所至不爲災群飛亂烟雲

公慮種^上吾土且爲沴氣根計丁立捕法官行勞^去
其勤老幼千里眉朝蹙夕已伸我知公之德由此碑^去
齊人

求郭侍禁水墨樹石

塵埃典却林泉閑家夢夜夜歸雲端知君弄筆欺造
化乞我幾株松石看

送元伯西歸

飲者爲量無大小要拚醉焉而已矣乃知一飲一石
徒醉鄉欲到無幾尔我幸俸薄飲不多酪酏造次有
餘味有時酒伯投客轄斗筲徃徃衆所鄙近得元伯
氣^并濱飲少好吟性相^似江山^畫月^白待^意聊^有堂

勝詠不能已直判千古醉者心名利莫可汚其埃乘
興弄筆窺造化混沌竅鑿可倒指漢史椽杵成巨軸
更唱迭和着宮徵今公官滿捨我去獨有姓名碑百
里踟躕^預恐春風來青草坐見飲地起詩酒數寄續
百篇無使塵埃昏紙尾^{月有東秦唱和喻百篇}

讀君謨黼屨箴

常讀賈誼書愛其極理亂言入筆未乾絳灌舌如燼
文帝不肯爲萬世爲扼腕漢道竟齷齪席莫一日暖
今讀君謨箴句句到伊旦窺國見肺肝欲取以手澣
何啻可痛哭一一中^去世患設施有隆理如肉以弗
貫可作天下藥其應疾和緩非獨起國痿虜頸坐可

紆聖賢方相逢辨別絳與灌萬不使斯言以爲後世
恨

重刻伐檀集卷上終



國家圖書館. NATIONAL CENTRAL LIBRARY, TAIWAN, R.O.C.



重刻伐檀集卷下

宋分寧雙井黃庶臣父著

明後學滇中李友梅素交校

里中周希令子儀

陳以志伯達全校

書

上知諫王刑部書

刑部執事竊以古誅諫之君桀紂也秦也後世諫者
欲有言輒曰我必自納於不測之誅力鋸鼎護無所
懼如此是待其君爲如何主也不可古雖有此刀鋸
鼎鑊之具臣出一口逆其君之鱗往往遭烹戮至義

君子奮不顧身以救國家之禍蹈之雖萬死不動後世無有是烹戮人之物矣言事之臣或得責大不過落一官其次出散地而已尙十八九憚此不肯言其人爲賢與否何如哉宋起且百年自國初至今爲諫者名聲卓卓可倒指者蓋有數其避就上下忌諱言一兩事塞人責而卒無聞者固不少也又常聞時之論諫官患在天下紀綱大體利害口未及一事而專以撻人短長褻私爲故以此譏其苛細不知務誠然也恭以執事抱材通古以功名自許歷爲郡縣有惠威莫不皆可紀如尉氏某十年間五六往還至今牛童馬走道之如昨日故一年拜御史二年爲諫官起

執事道州某居山中聞之竊幸欲以書賀僻遐不能自達爲恨今者來入銓門而執事知諫院某蒙顧待最厚且舊淺薄思無以補助謹書常所懷三者之說藉手以爲獻幸執事矯之旦夕立於國初至今可倒指之列某謹拜手以俟

上宋侍讀書

侍讀閣下某嘗讀退之與邢鳳翔書曰誠懼閣下以衆人視之則殺身不足以滅耻徒悔恨於無窮竊懼退之言如此過且君子何往而不自得彼所見果賢也必無有不合果常人也其不見禮亦何足爲耻與悔恨在退之二時人賢未有比其言尙如此况其他

人已乃脫然悟曰夫士以道自負不願妄爲人知者
其所欲往而見必時之卓犖偉人也苟爲以衆人埃
之誠爲耻至大而悔無窮者也退之言信不謬某之
身生三十年讀書者二十年慶曆初舉進士中乙第
其文辭未有以出人其所懷未能大取知於時又常
戒於退之之說凡三來京師足每欲之公卿之庭自
疑而十常七八輒止誠恐無以取重於人而徒得擯
薄也竊以閣下之門天下士莫不皆願抱持其業以
來取見知如某自顧何所可若前世所以安危存亡
與今之得失未嘗不留于心閣下且假以咫尺地徐
索其所有未必萬無一可取也某能言耳已得閣下

之名略識文字口已誦閣下之辭願見而恨無由
出門下有日矣今日來入銓門適遭閣下處侍從論
議之地謹以書道其所以見之意又合常所爲詩與
雜言四十首以見其心之所存不敢以辭辭無可采
而輒廢不以藉手也唐突甚大愧懼

上楊舍人書

舍人閣下某嘗觀於漁大其網絕一淵而驅之舉以
罾其得者或百若干數善魚常少而惡魚常多漁之
人其意始莫不欲盡得善魚卒然惡魚并而又加多
焉蓋其勢然也今之取進士大類此亦其勢不得不
爾也某慶曆初進士也時閣下司文之重輕而某以

淺薄隨四百人落閣下網中所謂善與惡未能自決
然閣下取於某以言也某知書以來反覆窺古人所
以皇皇不暇寢與食非以筆墨爲務要以所得同之
衆人尔至窮躓卒不得施始寄其心於言以見於後
之人而已也某誦此而慕之已久得一官六年視職
才五月入俸才三萬而困憂百端交來其姓名隸於
國而身實居於閑無用之處故未能忘乎筆墨也前
日謁門下屏以此問謹據藁草書四十首以獻言鄙
無取姑見其心若何也賜觀省大幸

上楊兵部書

某見古今人用不用賢與否常相半顧趨捨如何耳

以直道偶退廢於一時在人未始不愈光也故下
刑足其王無價驥駕鹽車伯樂歎息誠所遭各有時
也夫執事以公疾惡名四方在人耳目其著如鍾鼓
白黑之處入音五色較然也雖舌而青蠅萬莫可汚
乃以矯枉過於正齟齬一時斥不得當路而遠爲一
郡然爲郡古二千石之重其任非輕也在執事則爲
散地乘田委吏皆官之賤守以聖人處之宜莫可爲
乃不失曰牛羊茁壯長而已矣矧連地千里且有民
顧豈不足爲執其不以進退輕重固執事素物也某
五年時江東信之屬吏也執事一見遇之不在衆人
後既居先人憂歸山中某之友尉弋陽劉宇常致執

事尚記姓名借齒牙之意世道百態自非俛仰或价
人之執往往徃白首塵土不得上官正目一顧矧齒念
不忘耶嗚呼古相知之道沒於奔走若不可復見其
拙愚不能逢迎乃不階一言之助而得執事愛遇之
如此雖土木尚宜感動豈不自勵也邑人莫景去爲
常寧令亦其之友其雖不得出執事幕下而景爲屬
邑吏與其之身在無異也其既賀景得屬執事爲令
又竊喜執事得景付以民無疑也於其行因以書道
所欲言賜觀省甚幸

上富大資政書

大資閣下某五年時與客語當世名公大人之所爲

客曰子識富公平某曰識而足未嘗及門也客曰足
未嘗及門而遽曰識何妄也某曰不然某所謂識非
拜於面而出其左右前後也乃聞其言行事而識也
昔周公後堯舜千年始生其心與堯舜相識孔子生
又去周公六百年其心亦與堯舜周公相識其後孟
荀楊韓文中子其生也皆相去百年或數百年其心
莫不相識者也今某爲公一時人其言與行事在天
下耳目甚著而反不能識在愚人何以異客以爲然
某平生讀堯舜周公孔子孟荀楊韓文中子之書恨
不得出於其時爲其臣與子弟矧聖神居上臯夔在
列而親從下士之後者耶方幸十四五時始接人事

學習文字耳已熟閣下之所爲口已誦閣下之言其後十年舉詩賦得乙第走仕途之塵者又十年其區區之懷欲以足跡出門下者茲二十年矣然未獲願欲以爲恨雖寤寐飲食未嘗忘去年秋某在許昌幕而車騎之蔡嘗一瞻馬首今者將官于齊道旌麾之下輒以書布二十年之心代執贄以見伏賜財幸不宣某再拜

代羅司理干薦書

某月某日謹齋沐獻書以干省判學士明公其聞明經之選古最重今最輕也待士之禮古最厚今最薄也選輕由取之不得其術也禮薄由士自待不厚也

夫以最輕之術而走於禮最薄之途進必齟齬而得賤辱是無疑也某爲經生雖愚常竊以此自戒未嘗一敢輕以足跡歷富貴者之門前爲鄖鄉尉實公之里也夫以明公爲宰相子奮才業驅名聲盖旦夕擢大位而居而士之拜於庭者出必喜且相告曰公之富貴之色未常見雖新進小生到門未常留得見未常不盡禮某聞此猶思之累日始敢進自辱出門下遂被愛遇使某釋然不知明經生之輕而身爲尉之賤也竊念某始以家貧甚力耕不足以爲養趨速化之術遂誦書舉明經旣而得一官祿少母老又不足以爲啜菽之具稚乳膝下弗煖弗飽退之日踏於寒

餓之水火是某今日也昔有匈者負人之毋號于道
雖餓夫凍婦過抄其側亦莫不哀而顧囊中無惜矧
富子耶矧仁人邪且明公待抄士之禮不肯與世俗
高下則人之才不才也豈計抄選於某之區區不勝
犬馬不宣

謝舉官書

古之舉士得其人則受賞失則絀罰大抵受賞常多
而絀罰者幾希耳而士之被舉者其報禮亦重故曰
士爲知己者死後世舉士之賞未嘗有一不得入則
絀罰與之等其士之生於此時而被舉者宜如何報
乃反不然今日被舉矣明日持手板抵門伸一拜
爲謝退而或爲罪無所不至甚者至竄流皆皆是
而舉之者坐廢放動幾年不得遷其爲舉之難也如
此自非土石宜當動心某無所可乃辱執事舉謹持
是說以抵門不敢區區効一拜之禮他日功名之途
萬有一某之迹當以此爲謝不宣

謝運使舉官書

某聞驥立於伯樂之門偶未售人必曰駑駘也矧常
馬邪梗梓列於匠石者之庭繩墨未及人必曰不材
也矧常木邪凡士之處世亦莫不然今執事使一方
蓋士之伯樂匠石也而長安執事之門庭九峽以西
之地郡三十二而縣百三十有三其爲吏不知幾百

而歲得舉者三十人而已某拙愚無所可日常馬曰常木其可也從幕府于茲將二年是立而列執事之門庭者五百日其短長固察之熟矣乃辱不遣而舉以充三十人之目某意執事不忍使人視而指之曰駑駘不材也仁孰甚焉今日執事拔而出於駑駘與不材之列又安知明日人從而曰驥與鞭棰也夫千里不宿驥之能也萬鈞不知鞭棰之任也某之齒踰三十尔他日無千里與萬鈞之責則已也或有之固不足勉邪謹持木與馬之說指門以謝財覽大幸不宣

謝舉官書

某少之時讀古書見古人所爲以爲人之處世弗才則已苟才也唯所欲朝東出而暮臯夔無難也每讀史至東方朔傳其言曰庸則爲虎不用則爲鼠竊惟朔之言以爲誕妄無取及稍長走時之途見世人顯榮者未必盡賢其困苦無聞知於時或至老死者亦未必盡無所可始悟朔之意乃嘆息曰用之雖不才也可勉焉不用雖其賢世莫得見與不才而死者均也朔之言然今世俗以相知相市必俟其求而後知者有矣介而後知者有矣或不求雖其才不知者亦有矣故不介不求皆自知者知之深莫深於自知如某不才者得一官顛沛而困苦于茲已十年書吏考

者一得而已得其所者爭笑之執事一見待而知之如平生則何嘗介而又俟其求之執古相知之道不出於此今又書其名薦之天子以爲可用夫士窮場失之某困如彼而獲莫深之知而不才之用其德於執事當如何古人曰國士遇我則國士報之如某也何敢讓不宣某再拜

謝青州文相公書

相公閣下某聞之善御者鞭箠之下無駑馬良工斤斧之側無棄材故必揆梓然後用非公輸也必千里之足然後御非王良也故世之取人亦莫不然某妄常無所可凡世俗之所操持以奔走於進取之途者非獨不肯爲是亦不能直膠於古人之說爲可信而不疑故走三州之幕而所事者數公其知之者有矣其不知之者亦有矣知之未嘗喜不知之未嘗不樂何也知之恐不能報以爲憂故未嘗喜不知之自顧其中所有者猶在故未嘗不樂竊自惟念得一官十年其連蹇齟齬居其半書所謂吏考者纔三歲而已其身之困也如此仕宦之所欲恃以爲助者則故舊親戚無一人其地之寒也如此夫王公大人之門天下士莫不能欲撒衣裾而覩末光其迫於貧賤而不得進者蓋十常八九某也持如此困之身而走於此寒之地乃一日猝然得出於大君子之門以爲吏茲

非其可遇之遇也誠不自知其幸恭以相公治天下
之公輸而御多士之王良也地張五常以爲斤斧鞭
箠之具今者天子欲寬東顧之憂實爲此行又屏不
遺薦其名天子挽而置之幕下以爲用某何爲者而
堪此誠閣下不獨不榘梓與千里而後取蓋收木之
棄材而繫廢故之駑馬無以異者豫讓困放爲衆人
至殺身以報智伯之遇如某其身困且地寒如彼又
嘗齟齬矣曾未土木於其門下也宜如何報不宣某
再拜

啓

上王天章河北都運啓

某啓伏審內輟論議出應煩劇未卽大用蓋鬱輿望
恭以天章都運柱石之姿自結日月莫召主父歎息
見晚亟登侍從莫不謂宜大河以北旱飢之後水荐
爲患雞猪爲魚草不得生民無以食老幼散亡未輕
得復兵師在邊仰口待足賦歛緩急死生所繫區處
之難非材曷依上安比愛公實此行一考之病視公
爲醫某拙愚無能愛遇最厚西來之人坐聽歡誦旦
夕眷召心實踴躍憂國之重良食爲右不宣謹啓

上楊侍讀啓

某啓伏審上輒侍從以惠鄙遠凡居庇屬莫不歡幸
恭惟知府侍讀早以文起爲國俎豆雅誥之風復之

且暮筆端雨路以潤天下國家世築道德比嘗苦兵
入飽太平愁困易起上寬螻蟻于羽僅息歌吟之聲
未復故常惟陝以西國之右屏方佇碩德與人休息
盱食眷選惟此之賴其塵土之役得出幕下竊慶千
里不勝犬馬不宣謹啓

上秦州李密學賀啓

某啓人統更端萬物以新在易之泰君子道長恭以
安撫密學文武之資屏此藩疆專用儒雅以飾五兵
掃洒一隅視無西憂古曰蠻夷中國之陰陽德日進
犬豕逃遁四方卧鼓再基太平左右大鈞非朝則夕
頌望之切飲食于是不宣謹啓

上城都楊端明啓

某生長妄庸陶染文字腕脫爲吏濫巾幕府庖丁鼓
刀親觀餘刃鞭箠之下駑緩不棄諒其樸拙終始一
遇千里之尾青蠅所幸九折之馭公車以西慶雲其
遠荆棘失望自去教語涉夏三時寸紙隻字不抵左
右非心實然奔走之勤自省曠感踈屏所甘恭以知
府端明清譽直望王壺朱絲賈生度越天子所歎內
外踐更文武明白蜀大最遠國之臂脅視無西憂公
實此行下車撫御人人自如崇學教導士之所向東
來之人頌聲翕然論議之益盱食所渴烜赫大用匪
朝伊夕禱戀之素不勝傾倒謹奉啓問台候不宣

賀汝州吳資政到任啓

右某伏審尚輟侍從請麾間郡上意眷可世風敦厚
已涓剛吉班鬯條教內外上下莫敢欣仰恭以資政
侍郎禮樂之器舜鑄周豆文章體骨筆追三代何官
二府臯伊之資大平之期莫不仰首旋歎外補大器
小施翹彙造化人以爲晚繼由病告獨求散地區區
汝頰衣被仁愛京師唇齒實蒙其福某嘗吏幕府蒙
顧之厚咫尺門綵絆不得前馳心慣戀不勝踴躍謹
奉啓事陳賀伏惟鈞慈俯賜鑒念謹啓

賀文相公啓

某啓得進奏吏報伏惟相公奉八月十三日制書建

許昌節移鎮長安者竊以入柄鈞陶出專斧鉞注
內外莫顯於茲舉動輕重朝廷所繫恭惟太尉相公
柱石之姿道展得君文武施設成就明白興遺補弊
黜黜後來留意消息避卻隆寵一麾偃仰股肱之邦
國有大論朝野倚屬四方或憂側席起坐得公之重
天子洗然今輟霖雨以恩秦人衮衣其歸旦夕所歌
再筦魁極日月以冀某極陋無似早玷宇下驟違誨
約飢渴不展大旆西指霜露所勤以國自護禱戀之
切謹奉啓事陳賀伏惟鈞慈俯賜鑒念不宣謹啓

謝舉官啓

右某近得本州進奏吏報伏蒙運使金部發章舉某

充親民官者明於用人不俟其備一言假借過踰袞
黼鴛鴦之質以報爲憂伏念其妄庸之資短無所可
徒以佔畢不忘素訓遂緣隻字偶玷科第家憂身虞
困迫交來歲將一周吏考無幾質薄售大鬼神所駭
再由莫府幸吏車下黽勉薄書未絕寸尺且夕惴惴
苟尸廩入澄清之轡擢取罷辱每冀鞭策庶勉款段
敢期公輸之家繩墨所材榱楹榑榘拱把不廢郊外
孱弱過加翦佈陰幽之植不春而榮茲蓋伏遇某官
開發材蘊上應倚任旣富於國又欲盡人先勸後懲
猥及愚鄙以安能者以激慢懦深意厚惠其在於此
敢不仰止古訓視困爲進險易一心知無不盡期

極立以存待遇過此以往不知所裁謹奉啓事陳謝
伏惟尊慈俯賜鑒念謹啓

雜文

述藥

夏四月暴得寒熱病視以醫其市藥也價貴賤不相
適疾間掇其略書之按本草藥之品有三上與中也
下也上藥主養命性和厚無毒服之多與人不傷人
中藥或有毒或無毒能止病下藥大有毒其性專攻
擊不得已始用之今附子也礪黃也礪砂也阿魏也
所謂中下藥也乃大貴而木也茯苓也茯苓也牛膝
與芎也柴胡也所謂上藥者及其賤焉夫人一身

百骸也內之有甘酸辛鹹苦之爲好惡也外之有寒暑風露之所感也其味與氣一有偏則疾焉今繇藥貴賤視之時之人其可知矣平日固未嘗視藥也一旦疾作或不之醫其所先惟禳也惟禱也不卽諸佛卽卽諸老也卽諸巫也而請焉卽諸佛卽諸老卽諸巫也不可爲而疾日加深始醫之求醫之至也視之且攻日加深之疾其勢不得不用有毒專攻擊之藥也故中與下也常十九焉如此不至于死而幸生者無幾人此附子輩乘時甚貴而木等賤誠其勢然也噫使舉時之人皆知餌上藥也取康寧爲養命之術則木附子其如何貴賤哉夫天下猶之一身也

心也古之以其臣養天下可知矣五帝之臣上藥也三王之臣中藥也五霸之臣下藥也每讀班固史見漢之所以養天下未嘗不爲之恨槩舉之其人明王道如董仲舒言治亂如賈誼推廢興如劉向得聖人之道如楊雄用刑如張湯杜周計利如桑弘羊將兵如衛青霍去病及迹之行事與其位之小大若仲舒誼向雄木輩也皆齟齬抑鬱卒不得大有設施於時而湯周弘羊青去病附子輩也率希世幸用事位不下公卿大將軍其於藥貴賤與時高下弗差也亦其勢不得不然也且使文帝始大用賈誼武帝又大用董仲舒元成又大用劉向哀平又大用楊雄自可相

去上下扶持驅漢以趨三王之堯舜爲劉氏壽矣奈
何多任附子輩新室其天也有來矣常聞餌草木金
石之藥之有毒者如若大益其酷烈之性積而久則
發發則人常死如莽莽漢發藥耶哀哉吁後之養天
下也視漢之養天下其可監時慶曆五年

復維識院記

予九月自鄆之藍田宿道旁寺問其名曰維識其僧
洪集曰五代時石識存焉按其刻曰龍泉寺國初更
名義井其後寺廢開寶九年通維識論僧志興卽其
地廬之始號維識院慶曆初西方用兵詔寺不及三
十室者皆毀至是院又廢後五年用言者陝以西寺

毀而今願復者宜勿禁故洪集實力之其費出於民
姚氏者七人洪集有僧行且老誦經日常一飯環其
地數鄉之人趨信之蓋如歸姚氏七人非巨家能得
其不顧吝而洪集無寒暑奔走能勿懈故其室不俟
久而成凡爲屋曰殿曰堂曰厨曰門曰閣下八區若
千間皆壯宏可觀噫儒詆佛未嘗爲尺寸地雖童子
不肯輒屈曰國家嘗詔四方郡無小大皆立學本古
庠序之法以爲教甫一年學不幸而廢天下士反無
一言復之者今維識再毀矣皆不設平而復其不顧
者有若七人者其勿懈有若洪集者其請而勿禁有
若者其是儒果出佛下甚遠也儒之人視維識豈獨

不愧其明年五月院成洪集以始未來乞予言遂書之且以見其心之恥云時皇祐二年豫章黃其記

讀子胥傳

古今讀吳夫差子胥事以爲恨皆罪夫差痛員計不行而卒讒死也予意爲不然且子胥其先幾世臣楚至平王亦身與其父兄北面事之雖平王墜不道實君也日爲讎至死破國戮其尸極矣初適吳言伐楚不可知公子光有內志乃進專諸焉已而光果使專諸刺王僚殺之自立爲吳闔閭始引員爲行人與圖事遂入郢云然則光志篡專諸兵也員手之闔閭死事其子夫差其逆策越誠善可用員如此其可信乎

噫晉殺里克齊小白用夷吾殺人者曉此所以與如員其頸不汚闔閭之刃已幸矣有死之道焉耳無可信而有死之道屬饑員自拔也悲夫且死也爲有知可謝子胥使無憾

善惡有餘鮮

芴曰積善之家必有多餘慶積不善之家必有多餘殃至於堯而丹朱瞽叟而舜人惑焉鮮曰堯之善及天下丹朱恃焉而日進於惡其慶不足銷故不肖瞽叟之不善天下聞舜懼及其身而進於德其殃不足銷故名列五帝孰謂堯之慶瞽叟之殃無餘也世之言曰瞽鯀有積善又曰善惡無餘異哉

妬芽說

客有語予人有以桃爲杏者名曰接其法斷桃之本而易以杏春陽旣作其枝葉與花皆杏也桃之萌亦出於其本翁然若與杏爭盛者其主人命去之曰妬芽也客憮然以爲悵予釋之曰桃之實不美則易旣易之則惟杏之愛桃芽於其間其勢不得不去也不獨人之於木爲然天之於人也亦然天下猶之巨桃也天猶之接工也其實不美則天亦接之昔夏之實不美天以湯接之桀其妬芽也不可去乎商之實不美天以周接之紂其妬芽也不可去乎秦之實不美天以漢接之子嬰其妬芽也不可去乎隋之實不美天以唐接之鄭公其妬芽也不去可乎魯國則當塗典午其實皆美與曰其實美吾不知也客三嘆而退

過箕山說

予嘗出箕山之下望許由冢其日又過潁水與客休于木交陰客有問曰許由何人也予曰古之賢人也客曰堯嘗以天下讓之者三而由去之入箕山洗其耳於潁水至死不出其視天下之人雖蹈水火不啻若越人之父視燕子之瘠不以屑意夫賢者宜不着是予曰堯之時天喚舜之德矣十六子者舜喚其才美此許由所以踏箕山又洗耳不堯以不復出也且

使冊朱不肖無舜以堪天之命其下無十六子者可以任舜之事則吾知由也雖焦毛髮濡手足以奔天下之急不肯辭矧其位邪客以爲然既歸書其所以語客者以爲過箕山說

過韶石說

韶石參錯布列崛起且秀遠近皆可愛爲川陸上下者觀遊之勝舊說帝舜南巡奏韶樂於此因名焉古今往來者莫不踟躕顧盼旣嘉石之可愛又恨韶樂不可復見至於嘆息者多矣且韶之所以爲韶也抑有以也舜爲天下其治之大要舉八元八凱去四凶敷五教明五刑而已卒至於比屋可以封而垂拱無爲故韶者乃舜一時天下至和大治之音爾彼獸率舞鳳來儀使無之不害爲韶也假舜也其始不能舉八元八凱與去四凶又不能敷五教明五刑以爲治且安能使比屋可以封而垂拱無爲也則其樂也烏得謂之韶哉夫舉八元八凱進賢也去四凶退不肖也敷五教納民於善也明五刑去其惡也後世有天下之君能進賢退不肖使郡守縣令臺閣之間廟堂之上無不得其人能敷五教使父子子兄弟兄弟夫夫婦婦無不得其和能明五刑使其民悉遷善遠罪蠻夷戎狄無不畏威如是而天下不至和大治蓋未之有也從而播之八音歸以五聲文以六律是亦

一時之韶矣何必舜也予之官番禺道出石下追古
今往來者之意爲之說云

徐君處士妻周氏墓誌銘并序

東海徐君處士妻周氏卒之明年將以某月某日葬
于某原使其容狀周氏抵予乞銘曰周氏其父恭先
世以農自力豫章學家分寧最盛鄉黨命儒者出入
人皆知爲可貴恭慕之而其子兩人業已耕念不可
教獨周氏幼而慧乃使授古女誡七篇習之既長歸
徐氏事上撫下皆有禮可愛里人緩急必奔之無所
惜處士少學不得志而歸周氏恥之益欲教其子凡
賓客至其家周氏必手爲其盥意厚遇之寒暑未嘗
憚它日里中某人趨禮部試踵其門處士以故不欲
見將謝之周氏曰士及門而辭以事非君所以欲教
子之意也叱其子見之既行又資其囊以若干今徐
氏爲邑之大姓其子皆好學恥不若人蓋周氏有助
云以慶曆七年十一月卒嫁二十七有八年凡生十子
男女各五人享年四十有九處士名畫予弟其婿也
遂爲之銘銘曰男欲其有室女欲其有歸此父母之
心也周氏十子其幼六人呱呱滿堂孰室孰歸今其
死不足者以此悲也

歸愚堂銘并序

人之生也惡乎本曰性而已矣智愚者性之質也善

惡者性之用也故性之品有三上焉者智於善而愚於惡中焉者善者智之惡者愚之下焉者愚於善而智於惡夫忠孝仁義善之大者也其不忠也不孝也不仁也不義也爲惡亦莫大焉或曰小人亦智歟曰其所以爲智是亦愚而已矣河內向宗道元伯以秘書丞爲益都令卽踰年其民事亦簡出則與其所往來而相知者爲詩酒之約歸則休其心抄詩書文字間未嘗懈嘗讀退之詩愛其句有歸愚識夷途者因取以名其朝夕所居之室其惡者愚之之謂歟予恐觀者惑其所以歸之之意因銘其柱以見焉銘曰善也邪君子之歸也惡也邪小人之歸也歸乎忠孝仁義愚乎惡者也愚乎惡者歸愚者也夫善之爲途也廣矣途之不治則或棘焉吾請五經爲之鑿

送與平孫隱之知新都序

關中風俗尙氣勇鬪訟縣邑小不得平必直于州未嘗肯輒屈與平京兆大縣孫君隱之居二年而某當其時在幕府者八月邑之訴于府或日有而與平之民徃徃越月至踰時無一人凡一府屬官皆知隱之而不疑每案牘經平決者輒不復省今年夏寶雞民兩家爭里胥甲戶最高而乙其次甲曰乙未嘗役乙曰甲戶高縣拘文以甲克不服言于州又不服轉運使乃遣與平決之隱之曰法兩相決以戶高謂皆應

平役者甲雖其戶高然嘗已役矣理不當引與乙比引與乙比此是甲歲歲無息肩非法意卒以乙充議者以爲然其嘗得其書而讀之竊思西兵以來民緩急應用度破殘其業者相望矧復不均欲書其說以遺爲邑者而未能今隱之行得稱以爲別且賀新都之民其役當無有不均也爲之序

呂先生許昌十詠後序

廣文先生呂公天聖中爲許昌掾賦境內古之跡者者爲十詠其時文章用聲律最盛哇淫破碎不可讀其於詩尤甚士出於其間爲辭章能主意思而不流者固少而最難先生之詩其不流者與後二十有二

年其子喬鄉又爲判官許昌按家集求所屬謂十詠考得於龍興佛壁之小石慮其久或亡也又買石刻之凡文章非其意高雖貴時輒不傳而必諷誦在人口者纔十一二位下則其傳而又誦者愈少先生之爲人如其詩故仕以不達某爲童子時已誦先生之詩如鳥窺明鏡心人踏靈鼈背至今在唇齒間如昨日則先生之文其可知迺書其意刻於詩之末先生嘗講書國子監十年故士多稱廣文先生其諱造字公初云

詞

丘令疏詞

乾祐丘令年六十爲州縣吏今鮮官其家窮空欲歸其學京師不可行持十口寓于佛之室將無以爲朝夕之具某官長安間三日或五六日讀進奏吏雜報天下事吏坐賄大則竄流其次廢棄終身最下免其官如此者月未嘗無凡天下之吏富者未必皆廉其賄而偶未敗者又不知幾人今丘令官如此其卑而其家又貧如此將不得爲廉者耶夫吏在下潔其身以進一日離其官則有憔悴不得所之色其吏之貧者雖在位苟歲月之祿以活妻子莫不皆知他日飢寒迫切之憂不得免則誰肯勉而爲廉也竊撫急之常人所欲爲在吾曹忍豈不行丘令如此庶幾君子

之仁謹疏

乾祐丘令第三考詞

長安

京兆縣十三而乾祐尤阻山其民喜鬪多盜賊前件官至不能撓以刑常觀其所上旬禁書而獄或月二十九日空三年矣聽於民無有間言績固可嘉矣

涇陽丁主簿第一考詞

主簿掌凡賦稅戶口之事緩則失時急則民困而或散亡惟能得中抄職爲稱前件官主涇陽簿一年而縣獻其狀賦稅日不失時戶口日無散亡能如是來效可待也

醴泉張主簿第二考詞

大置集

卷二

三

天旱飢民之彊者起盜賊而弱者流亡以爲常去歲
陝以西小不收米斗至三百醴泉其戶萬二千不亡
一口而爲盜者無一人雖長民者之力而主簿豈不
與焉

書記考詞 公羨

古記室之任在軍旅間文辭謀畫無不與後世徃徃
施之簿書獄訟其職守益失前件官以各進士由幕
府西帥不用凡文辭謀畫之事皆不得施獨書記所
謂簿書獄訟以爲吏課而已才蓋鬱焉

周主簿考詞

縣邑古方百里之國也主簿且得其人雖其令不賢
其簿書獄訟亦無有不治郡府緩急欲擇人而使
必取之其尤能者或席不得煖前件官其人也

蘇司理第三考詞

秦人尙氣喜鬪多大獄雖治而京兆訟訴最繁故理
官視他郡其責最重前件官處最繁爲吏鞠難治之
獄而有最重之責于茲三年其論之自殊死至於杖
笞無慮數百人莫不皆得其情而無有寃隱不伸斯
能也已矣持是以爲吏奚而不可

張法曹第三考詞

法家大抵多刻少恩以爲常前件官舉進士爲掾日
持十二通與他法立刺史前論人之罪務以平反爲

主于茲三年其所處者幾百人無有不當其情才也
從可以知

黃司理第二考詞

國家凡天下之獄設提點官以察其輕重不如法者
而糾舉之州縣吏坐出入人罪大則免放小則責罰
未嘗無其人前件官治許獄歲再周矣論其罪棄市
者五十四流若徙百二十有四杖百八十六皆得其
情無有寬隱不伸非才也其孰能其考可書中

舞陽尉第三考詞

舞陽大約地廣它盜往往囊橐於其間居一歲為竊
與強者凡十一前件官捕得之或杖或徒或黥或弃
其亡者一而已矣夫如是非才焉固不能其考可書
中

張都曹考詞 青社

為吏患不能勤勤矣患不能廉廉矣患不能久故職
舉為勤知足為廉終身為久前件官為青之掾三年
凡刑獄租賦無不舉既勤矣而又能廉其肯不久者
耶審如是所謂能吏者豈復有他術於其考可書中
上

法曹劉昭遠考詞 青社

法者禮之防也其用之以當人情為得刻者為之則
拘而少恩前件官以通經舉進士始掾於此若老於

爲法者每抱具獄必傳以經義然後慶故無一不當其情其刻而少恩則無也其考可書中

臨朐縣尉李正辭考詞

青社

青之屬邑六而臨朐最小其地介山寇偷往往囊橐抄其間故常居士幾十人以備盜今其令又用武人前件官爲尉抄茲盜發輒得之未嘗亡一人非其才耶其考可書中

臨淄尉考詞

青社

尉能捕盜使盜知不可免而不敢爲盜亦去盜之一端也山東大約號多盜今臨淄一歲之狀視他縣者纔幾人而已前件官爲尉蓋有助云其考可書中

必欲福四海擁千里也今年夏大收視常歲爲倍而秋又已有望非神力而何敢以物報尙饗風后祠維年月日具官某祭于雍侯之神惟神生與豪傑俱起而不得其時雖功名無所見於世死而能福一方又能使其民廟而祭至今俎血不乾可以無憾今雍千里民無災癘牛羊蕃息稼穡滿野孰爲神報新酒大牲尙饗

維年月日具官某祭于濟衆侯之神國家以神常用風雨救大旱有功於前世故歲時祭于侯之廟未嘗闕如今之民親受神賜今年夏不雨踰三月常禱於神既旱而豐則國之欲報於神之心也當如何意不

可見牲酒是具尙饗

維年月日具官某祭于廣惠王之神凡陝以西之民知神常以風雨塞大旱之望每歲少亢則老幼若婦女奔走於神之宇未嘗不朝禱而夕望雨至一禾一菽莫不得神夏實欲早秋為稔收祭民之食神其降茲尙饗九龍堂澄源夫人同

西嶽祈雨文

維年月日具官某謹遣某以清酌庶羞之奠祭于金

益都縣尉朱康濟考詞青社

官無大小因其能而使之則職無不舉也三齊多盜而益都青之劇縣前件官始以能捕盜得官今為尉於茲前後寇偷者發輒得之而未嘗亡一人豈非所謂因其能而職無不舉者耶然則其能也豈止為尉而已其考可書中

祭文

祭神文

維年月日具官謹以時羞祭于天齊仁聖帝之神維神魯國之鎮四方所仰廟于此邦如山實在此夏六月不雨百日千里菽粟若不可望民聲嗷嗷天蓋聽

憫一雨而足秦人忘旱及此攀斂禾穗滿野霽霈之
賜神實佐佑其來守茲土遂蒙稔成芹意以物爲神
之報尙饗

維年月日具官某謹祭風伯雨師之神夫左右風雨
之柄助天以生物而成之者惟神職也平時風雨順
適神之功民不能見獨國歲兩災並除以爲祈與報
也今年陝以西不雨且旱已而得請於神秋稼滿野
凡十三縣之人莫不皆願操持其物以啓神貺刺史
謹擇日具牢醴以爲民羞尙饗

維年月日具官某謹祭于金山之神惟神生而佐理
天下去大亂使黃帝得爲五帝先死而爲明神是亦
天順聖帝之神惟神福此方之民國之屏也故天子
歲兩時署祝詞遣吏以祭未嘗懈陝以西自正月不
雨至于今將六十日苗之在野欲秀而實者若不望
秋穀與豆種不得入民蓋皇皇也某來守茲土未一
月視此朝夕恐懼所以未至凡境內食民之祭雖里
祠皆將奔走以爲民請矧神一方之望而天子所禮
也敢不以告尙饗

謝雨文

維年月日具官某謹遣某人祭于澄源之神曰陝以
西之民一歲之望麥與粟也天時未必均齊或夏穰
則秋歉或粟有餘而麥不足今年春與六月不雨幾

百日苗不得成實皆請於神未嘗不三日而雨足既
旱而豐凡十三縣之人如神家至戶到而與之交與
粟也其德於人之心宜如何刺史有民之責也使千
里之內無有嘆嗟是刺史一身而道十三縣人之責
在神之賜愈大也其德於神之心也又如何敢以物
告尙饗

祭神文 六章

年月朔日具官某祭于天齊仁聖帝曰五嶽天下之
望而泰山尤尊山之出雲雨以福於民其功最著惟
帝以尤尊之望而辨最著之功以食於廟今年春與
六月常不雨前後幾百日凡千里之內奔走請禱無

有不得其心麥在倉廩秋稼滿野神之賜其可見帝
雖不德人心謂何刺史具有酒薦其意以爲民報尙
饗

九月日祭于風伯雨師之神惟神風雨之佐人實攸
命廟於此土觀者如在其鑿孔瞻望不敢裔今雍之
野宜于歲年百穀茂好如無災害衣食之賜德其有
歸祭民之具神其降

九月日祭于金山風后之神生爲豪傑而死爲明神
福此方之人而食其祭未今年春來舟楫土四方或
大水或饑或疾疫至於死亡流離凡陝以西之民無
有一於是非神之力而何敢以物報尙饗

九月日祭于澄源夫人之神曰惟神有風雨救大旱之功在祀典以食民祭雖年不善未嘗敢薄其具今環陝以西之地百穀之種無一不宜農耕疎耘斂穫收穫凡此之人莫不肯欲操豚肩酒危走神之宇圖所以報刺史以時享道民之意其盛之

九月日祭于城隍之神曰高城深池不虞之備邊疆弗騷吏以致守不歷不淫以爲民勞擁護之力非神曷依祭具常典惟此之報

卷

西嶽祈晴祭文

維年月日朔具官某謹以香果之奠致告于金天順聖帝曰關中自用兵踰十年其地未嘗夏秋俱大收天時之不得而征斂百出中家下戶幾無以爲生今年風雨節適麥畝至數斛而秋稼又滿野是神憫斯人而惠之最大也八月粟稼皆已實而雨晝夜不止民不得收老幼嘆嗟若將絕望皆曰食已成之倉廩而耕不穫雨之弃也奈何聰明其德之以卒神貺尙饗

祭古帝王廟文

年月朔日具官某謹以清酌庶羞之奠致告于某帝之廟惟帝有大功與德在前世以食於廟至今俎血不乾茲民瞻之恭嚴如生後世有天下之君雖相去數千百年而歲時修祀禮未嘗敢忽今皇帝以九月辛亥大饗于明堂禮畢詔天下凡古聖帝明王之祠皆遣吏以祭某茲土之守也謹擇日具物以修天子之命明靈其鑒之尙饗

祭漢唐配享功臣文

年月日祭于某公惟公命世之佐實天所畀遭時得君功名莫先史臣之言若青與黃既廟而食惟帝之配生死孰榮茲無愧已季秋辛亥國有大祀義義明

堂希闕之典徧于群神告禮之成來薦豆籩天子有詔尙饗

祭某廟文

祭于某廟之神曰刺史食君之祿而神食民之祭職之治否刺史實任或天時之不得至于水旱與疾癘非政之爲則民歸之神某來守茲土與神同有是責於許之人今抵官三日方思其職不敢懈謹以物告尙饗

文相到任謁廟文

年月日祭于至聖文宣王某受天子之命來守許以今月戊寅視民事凡千里之內有一物不得於其心

某任其責思其識之初懼有未至冀之相之謹以物
告尙饗

春牛祝文

祭于勾芒之神惟神職此木行生物之佐乃今甲辰
是爲立春陳根可拔田事其始乃出土牛示民以時
國有常祀吏敢弗懈農無災害惟此之祈不腆之具
神食其意尙饗

春祭祀文

青社

告于某神曰凡物莫不得其生然後可要於成若其
生也燥濕寒燠不得其宜後雖有五日之風十日之
雨欲其堅實茂好茲莫可得故民一歲之望在於春
某守茲土敢忘是心今百種皆作其生成之助捨於
神其孰依尙饗

祭王觀察文

年月日具官某謹以清酌庶羞之奠於故觀察王
公之靈惟靈遭遇先帝起身行伍今使觀察不爲不
貴壽百二十七拾幾人公年實然可以無憾兵師之
行或膏草野今全而歸何有歎嗟銘旌飄飄與西風
俱聊陳薄薦死生之別伏惟尙饗

祭致政吳侍郎文

嗚呼岳瀆之氣實爲壽齡公蓋鍾之黃髮在庭不盡
其器刺史而已天畀采賢生公之子左右日月公始

敢歸朝夕艾緩以當綵衣始來自陝某迎馬首公在
版輿孫子在後觀者塞途莫不歎息公子下車政出
人喜千里老幼如被公賜道塗之勤未拜几杖而止
一月哭于公堂素車在路朔風滿旒聊陳薄酌淚落
酒觴伏惟尚饗

祭辛氏太夫人文

祭于某郡太夫人之靈惟靈四德具備宜于室家母
姑之懿發聞于人善慶之報乃俾百年衣纓雜選有
子與孫啓手之日稚呼嗷歎子蓋七十杖經孺慕觀
者左右莫不咨嗟詵詵之門人曰不亡奠禮不腆庶
幾其意尚饗

代祭致政吳侍郎文

維年月日具官某祭于故致政侍郎吳公之靈惟公
國之杞梓初走散地虎符出入爲良刺史蓋晚始達
耆碩之臣公實有子請老以歸一踈道路久無轍跡
公乃投足世風敦厚後來所仰名教之力千鍾之養
五福一身林亭池園杖屨往還箕穎之地若在門戶
稚孫左右抱弄襁褓笑言在耳弟者忽來輔弼之子
公如不亡身後光輝可以無憾見意以物菲薄之薦
嗚呼尙饗

代祭宋令公墓文

年月日具位文某謹遣某官以清酌少牢之奠祭于

故贈太師令公宋公某友公之子而公之室藏實在
茲土今得請以省先子之墓道途之勤不得躬修奠
禮宰土之下謹具物遣吏以其意告尙饗

代祭章郇公墓文

維年月日謹遣某官以少牢之奠祭于故司空郇國
文憲公惟公茂德懿實映國之史焜耀前人後來所
仰忝守舊許公墳實在喬木宿草令名如新迺今得
請省墓于洛左右敢與出此便道涉履之勤意不能
專牲酒勿腆敢以吏告尙饗

代祭張文孝公墓文

維年月日具位謹以清酌庶羞之奠祭于故贈尙書

公惟公坤治之德抱藏英莖器之渾粹自
亦瑣遺時得君亟爲聞人出入三紀庭之耆碩必持
物鈞衆云勿疑不極其有齋恨以沒巨梓偃蹇公輸
欽嗟追惟曩初遊公之門堅節輪困公實斷之國士
之報勉勿敢忽戶牖謂何興言慙恨乃今得告省墓
先子道公之墳宿草實在音容如在生恍在耳目敢以
牲禮拜壟之下公乎有聞食其區區尙饗

代祭杜水部文

祭于致政水部杜君之靈惟靈仕官克勤以始卒聞
位止于郎雖未爲達專城之惠古人所先壽百二十
七十無幾君年實然何有憾恨仕之惑者走於桑榆

不有敗廢卜以樞歸君蓋請老死生之光遠日有期
銘旌在道聊陳薄醑以見其意尚饗

代祭范大資政文

皇祐四年歲次壬辰六月甲戌朔文某謹以清酌庶
羞之奠致祭于大學士侍郎高平公之靈惟靈文武
之資以時挺生出遭千齡亟爲名臣諫諍之風占人
勿忘逆龍之鱗孰不日難朝夕踐履若歛與食雖或
齟齬名益發聞婦人童子知君所爲世實有言皇靈
之姿或斥于郡不沮益堅寶元之間西夏弗賓君臨
我師色義卒奮言伐虜心奔走乞盟矢石出入天子
所勅召且大用參國之柄君所設爲不襲故常欲致

天下堯虞乃留弗極其有莫不歎息刺史十年偏迫
不施上闕左右議望必歸或者抱負庶幾一伸物理
孰究志竟以歿嗚呼希文止此而已忠也不朽來或
可期樞旌之東手奠奠前死生之別興言梗結矢意
以詞傷哉柰何尚饗

代祭提刑陸學士文青社

祭于故提刑陸君學士之靈早獵科第以才藻聞不
握于進積日以遷器其遠到莫始度量既伸既知爲
臺之選乃官書林乃刺于泉事爲益著名能日香再
試于外乃司邦刑攬轡所至訊讞有條符移之來墨
蓋未乾曾不疾云而以訃告善也殲殞其誰莫嗟子

藥勿時室斂勿親樞客于道觀者忍耶麾符所繫手
奠奠前人意以言侑此肴觴尚饗

代祭黃丞相廟文

維皇祐四年壬辰二月朔四日具位文某謹以清酌
庶羞之奠祭于漢丞相黃公之靈惟靈生稟於君德
賴之民歿食其祭福之無疑某來寄守茲土仰止高
躅喬木之末清風如在伊春之仲農事皆作無有災
害茲民之望祀有常典敢以物告尚饗

代祭建成侯廟文

年月日具位文某謹遣某官以柔毛剛鬣清酌之奠
祭于漢丞相黃公惟公去思舊德頌民弗忘祭血不

乾恭嚴如生某忝守茲土庶幾清風今省松楸道出
廟下遺光餘饗若見若聞禮公之庭行役勿果厥誠
區區敢以物告尚饗

曾伯祖康州使君與曾祖給事俱高祖朝散大夫
之子太史太史嘗刻大孤山宿趙屯二詩跋云

先大夫平生刻意於詩語法類皆如此然世無知
音小子不肖晚而學詩懼微言之或絕故刻諸星
子灣以俟來哲今家藏伎檀集間多少作又厄於
兵火之變是以傳本尙未見予世紹興中我從兄
吏部諱然將漕畿內嘗欲盡刻我先世諸書皆未
果牽偶茲承乏於五十餘年之後謹以是集跋而

傳之非敢曰成我從兄之志而太史微言或絕之
懼尚幾不泯焉嘉定二年秋九月望諸孫朝散郎
直顯謨閣西浙路轉運判官榮謹書

